

明

詩

紀

事

明詩紀事

貴陽陳田輯



龔用卿

一首

用卿字鳴治懷安人嘉靖丙戌第一人及第授修撰
厯諭德終南國子祭酒有雲岡選稿二十卷

渡江訪陳德英中丞

曲岸橫橋通小溪溪流澗淺草萋萋野花自落春歸去澗戶
無人山鳥唳

袁袞

十五首

袞字永之吳人嘉靖丙戌進士選庶吉士授刑部主

事改兵部坐事下詔獄編戍湖州起南兵部主事歷

員外出爲廣西提學僉事有胥臺集二十卷

四庫總目
藝苑卮言袁永之詩如王謝門中貴子弟動止可觀

田按永之與王履吉皆服膺空同及吉未達私淑而已不之使大染空同賦相逢贈之空同屬續之日遺言必袁生表墓其子伯材書乞永之作傳永之又有悼空同詩云李公海嶽秀長庚兆靈異發穎山西陲空翠眇北冀拗詞追子長作賦凌賈誼虎視萬古前鵠冥栖衰季徐何抗英特晚達勢指示金聲叶鈞韶兼總集能事煌煌弘治間文章堆天地抗疏逐城狐挺節詆閻寺入黨雖稽留二張亦歛避青蠅何羣飛白首從吏議淮南自狂謀公也實奚累繁臺背攀嵇龍門幸無棄白馬吟其詩先蘊賞真趣三復相逢行綱繆伏高義哲入中台知仰止庶可企永之詩雄詞快句下筆凌超直有易之篇傷於易盡無復頓挫含蓄之妙惟丘原之才合作其與顧華玉諭詩謂四言必以三百首爲限所存材於漢魏今玩集中此體了無高唱欲刷斯言陵若河漢矣

劉推官孟材過飲山樓

日掩山中扉。忽枉府中駕。登樓望澄湖。列宴臨虛榭。芳園榮
槿葵。遠洲環翠柏。新簫冷風來。清陰滌煩夏。誦君瑤華篇。逸
思馳。陶謝萬卮且獻酬。焉知卜其夜。

送沈山人玉父遊武夷

武夷三十六高峯。層巒削壁何重重。清溪九曲似明鏡。山山
倒浸青芙蓉。仙人控鶴去已杳。沈生好奇快幽討。禮斗壇前
吹紫簫。昇真洞口探瑤草。慢亭宴罷寂無聞。何日虹梁度綠
雲。仙籍倘倘書余姓。字齋心同謁武夷君。

邵成都仲材過飲草堂醉贈短歌

君不見石崇金谷今安在。謝安東山陵谷改。人生忽若草頭

露河清海變誰能待成都太守休嘆嗟當年同看長安花一
朝挂冠武林下荷鋤學種青門瓜卅間圃覆無不有浮雲富
貴真鴉狗何用長存身後名祇須痛飲杯中酒君家兄弟二
陸才黑頭早賦歸去來古人往往困屠釣我輩落落俱蒿萊
西湖春來淨如鏡南峯北峯翠相映六橋煙柳隱漁舟孤山
草樹迷橫徑林逋逝矣不可攀千秋放鶴何時還與君笑傲
拂衣去流水桃花心自開

夏目庄居

門前新漲滿恰好沒漁磯下釣驚鷺浴開簾放燕飛納涼憑
水檻習靜掩山扉蕭散無拘束林泉志不違

飲芙蓉桂花下

幽居屏人事散步窺西園愛此石上坐獨開花不尊迎風桂
子落照水芙蓉繁日入且歸去沈冥誰共言

摘星樓

法界棲階苑星樓委廢臺高秋蹕馬望遺事使人哀池想龍
舟戲堤聞玉輦來南朝歌舞地何處不蒿萊

宿天界寺半峯房

殘照已全匿空門猶半開行人失歸徑落葉厚蒼苔暝色野
煙合寒聲山雨來遠公應好客宿鳥莫相猜

靈巖

君王歌舞地樵牧使人哀土木遺危剝丹青委廢臺草當香
徑含花傍鹿場開且盡登臨興山河望裏來

登寶華諸山

夙有登臨興春遊
悵賞心山盤數嶺盡寺轉萬松深樹古同
僧臘泉多雜梵音仙津何處問卽此可投簪

蓮蕩舟宴

新霽恍無暑微風宜放船捲簾親水鳥解纜惜吟蟬玉枕休
停手青房不論錢晚來花霧裏縹渺欲凌憊

送顧秋官伯從赴留都

伯也今司直西曹俗事無簿書多暇日山水羨清都柳綠蘆
龍觀花香立武湖莫辭刀筆恥讀律乃通儒

送僧歸金山

高僧何處住孤錫向空飛驛樹連天盡江帆帶雨歸潮聲喧

講座山色映漁磯遙憶東林下精廬隱翠微

送慧公住持寒山寺

古寺人天外精廬杳靄中君依蓮社去心與白雲同溪水看
清淨寒山對苦空何時聽說法爲我暢方風

東齋

楓葉紛紛落荒徑無人掃萬念杳虛寂閑門閉秋草

野步

新月生西嶺穿窓穿叢薄林深不逢人時有松子落

蘇祐

八首

祐字允吉一字舜澤濮州人嘉靖丙戌進士除吳縣
知縣改東鹿入爲監察御史遷江西提學副使歷山

西參政遷大理少卿以僉都御史巡撫保定進副都
御史改撫山西徵拜刑部侍郎以兵部侍郎總督宣
大進兵部尚書削籍尋復官有穀原集十卷

四庫總目

詩話陳一菴太守謫戍琅琊每聞揖紳間盛稱

蘇舜澤

總制雪詩初隨鳴雨喧

相續轉入飄風靜不

聞寫景入微

非老手不能也

海嶽靈秀集

允吉詩格不高而氣逸

調不古而情真

明詩選陳卧子曰司馬詩沈雄雅練邊塞之篇不愧

橫槊七律格律精嚴聲調清亮咄咄逼羣而上

列朝詩集允吉詩雄豪伉浪奔放自古今人不復詳

其風格徒以其聲調叫號近於雄渾遂謂閩叟之篇

不愧橫槊何相者之舉肥也

田按舜澤詩是李何成派昭聖太后頤草忠愛悱惻

不愧詩史可與宋必東諫憲詩誕辰疏并傳

詠郭林宗

高張琴絃暗投珠委路嗟哉東都士禍樞踵危步穆穆郭

林宗深心託幽素含章貞自抱識微幾早悟懿彼蒸民章明哲伊誰賦

寄陳文晦侍御

良晤阻歡讌停雲方在茲東風吹野草綠遍瓊華池嬰鳴黃鳥聲流轉綠楊枝感物各有懷婉變惜芳時攬轡眺閭邇遞滯前期相思邈以緜庶用證此辭

戊寅元日

萬里王正月千官漢侍臣履端空鼓角行在尙風塵烽火新通代鑾輿近向秦已聞催鶡鼓夜半勦迎春

河東道中

蒲坂水仍抱首陽山故連重華不可見孤竹轉堪憐煖色薰

楊柳春聲換杜鵑河流日滾滾百丈禹門前

昭聖皇太后輓章

二首

慈極空遺諾惱與去不還千言臨內殿萬姓哭深山雉扇秋
新掩龍髯歲久攀併將江上淚霑灑泰陵間

先帝留弓劍千秋傷若何竟違西內養還葬北山阿玉殿潤
霜露立宮隱薜蘿雨朝侍臣在哭向白雲多

冥宗汾陰行宮有御製碑四金人

宋帝行宮汾水邊翠華想像杳風煙天書雲篆今何在玉檢
金泥竟不傳伐石自鐫西祀日渡河翻恨北征年金人十二
多零落雙立猶看轂道前

李牧祠下眺望作

泉源冰竇入春分鳥語花香遲客聞戍鼓寒沈龍塞月夕烽
晴照雪山雲年來近野多戎壘時過迴陽幾雁羣險絕頗憐
今昔地無令但說李將軍

張鑒 一首

鑒字濟甫南昌人嘉靖丙戌進士選庶吉士改禮部
主事厯員外郎中出爲浙江提學副使厯選東莞馬
卿廣東布政使南太常卿就改大理卿擢刑部侍郎
進南京兵部尙書有遷鷺館集

竹山洞

洞門虛敞幾重關怪石玲瓏水竹間滿地白雲流不住仙家
歲月自消閒

陸塊

一首

塊字秀卿嘉善人嘉靖丙戌進士授南刑部主事遷員外郎中改北再改南兵部出爲常德知府改武昌再改岳州擢太僕少卿厯南鴻臚卿就改光祿卿以僉都御史巡撫河南有賓齋集十卷外集二卷

四庫總目徐階誌塊墓稱塊讀書耽爲章句嘗曰人心與事物不相離舍事物而徒求諸心者俗學也故集中有傳習錄存疑不附和陸學又有詩傳存疑亦不盡點守朱學持論可謂篤實詩文多近質朴

訪柯侍御九華山留贈

趨朝同聽午門鐘九陛森嚴虎豹雄何事歸來化城卧硯屏閒弄九芙蓉

張子立

一首

子立字原禮黃人嘉靖丙戌進士除行人擢湖廣道
御史累官僉都御史巡撫延綏謫戍固原

黃花堡

關塞雄三鎮風煙劇五戎胡塵驚代北漢月照雲中戰士黃
沙磧將軍白玉驄防秋烽火近何日捷音同

屠應塗

四首

應塗字文升平湖人太保勳子嘉靖丙戌進士選庶
吉士改刑部主事再改禮部厯員外郎中仍改修撰
厯侍讀進春坊右諭德有蘭輝堂集四卷

四庫總目應塗爲文善比事屬辭詩法沈濫諸家時有
獨造然率於華藻蘊蓄未深
泰泉集漸山英穎天出文不待蒐羅縱而自充遠
正誼發乎拙思浩氣動乎操觚卓識烈於秋陽危言

校乎金鏡

力道卷之二

二

明詩選陳臥子曰唐公典雅流暢亦足名家

靜志居詩話論德取材六代其體初唐淵若春葩將

以秋實是眾作之有滋味者

田按漸山文長於摹古上規兩漢下效唐人格雖沿

古而意取切今非徒以字句爲藻繪者詩亦有氣格

上之同

上之同乘六龍龍文五色雲九重參鶴日月前飛虹逐虜蕭
關道祀帝甘泉宮別館迢迢與天通屬車絡繹渭橋東翻翻
豹尾翔煙空瑤池終燕歌秋風歸來萬歲樂無窮

夏日延綏捷至奉寄總制唐相公

北虜安危繫中原節鎮雄君王親授鉞相國坐臨戎瀚海軍
麾動狼山轉戰空遙聞六月頌不數太原功

送唐生

杖策欲誰親侯門不禮賓空禪馮氏鍊莫救范睢貧玉露凋
紅樹金風起白城瀟蕭南去雁飄泊自爲鄰

朝陵

本朝宮寢居庸北百二河山枕上都隧道陰陰連大漠金輿
寂寂闕蓬壘天留碣石爲華表水繞桑乾作鼎湖欲爲神功
鐫嶧頽窮崖絕壁倚天孤

王格

二首

格字汝化京山人嘉靖丙戌進士選庶吉士改永新
知縣遷刑部主事改戶部厯員外郎中出爲河南僉
事坐事削籍授太僕少卿致仕有少泉集三十三卷
因按汝化盛有詩名詩多率意不堪留賞

燕

高棟鬱嶙峋年年一度春堂前知幾主來埽盡梁塵

望太室

中嶽遙開洛水濱東風吹夢上嶙峋二十四峯春寂寂碧雲
何處訪眞君

陸粲

四首

粲字子餘一字浚明長洲人嘉靖丙戌進士選庶吉
士改工科給事中坐劾張璁桂萼謫都鎮驛丞遷永
新知縣有子餘集八卷

四庫總目粲早入詞館負盛名洎官工科以劾張璁桂
萼僂蹇終身亦緣是憲意鄙陋研心經史學問具有
根底又爲王鏊門人其授受亦有端緒據夫譜有香
山新樂府遺音未可以篇什無多遂謂曾子固不能

詩也

弇州史料貞山爲文精雅有法得班氏及韓歐遺意
國雅陸給事浚明長於古風至近體云無夜不成麻
有書空道歸郡古留銅狄堂深砌土花又無因得似
宮前柳時有長條拂御衣有句如此亦李唐四傑之
選

黃宗羲明文海貞山文秀美平順不起波瀾得之王
文恪居多乃歐陽氏之支流

列朝詩集子餘詩不多獨出機杼不落窠臼

田按世傳胡孝思爲蘇州太守試士賞拔王履吉爲
第一子餘少後及子餘衡文浙江孝思適爲參政公
燕日相對惺惺余檢子餘集致天水胡公書情致不
淺或世誤傳也子餘以劾張桂謫吾黔都鎮驛丞隣
舍廢臥居平越與郡人士講學自是有掇科目者子
餘詩長於古體存詩不多咸自精美以世多賞其文
故爲所掩耳

邊軍謡

邊軍苦邊軍苦自恨生身向行伍月支幾斗倉底聚一半泥
沙不堪煮盡將易賣辦科差顆粒那曾入鍋蓋官道私債還

未足又見散銀來糴穀去年糴穀揭瓦償今年瓦盡兼折屋
官司積穀爲備荒豈知剜肉先成瘡近聞防守婺川賊盡遣
丁男行運糧老弱伶俜已不保何況對陣臨刀鎗宛宛嬌兒
未離母街頭抱賣供軍裝閭閻哭聲日振地天遠無路聞君
王君不見京師養軍三十萬有手何曾捻弓箭太倉有米百
不愁飽食且傍杓櫛遊

送魏師召之蕪湖

魏子昨捧分司檄與我青瑣門相逢朱袍皂帽氣道遜佩刀
左右雙盤龍燕山雪消河冰泮玉節辭天春未半江東花滿
姑孰溪君到春衣應未換謝公宅前芳草生李白墳頭江更
清日出青山看舞鶴月明采石聽流鶯多君俊邁今無匹四

十爲郎頭正黑文貞遺笏世珍奇知古流風本仁直都門送
爾惜離羣日暮行歌潞水雲明年躍馬東城陌楊柳青青正
憶君

上饒道中

桃花參差柳葉多新雨灘頭生綠波一夜東風吹驛舫榜人
齊唱弋陽歌

長門怨

金屋承恩事已非玉顏憔悴度春暉無因得似宮前柳時有
長條拂御衣

江以達

一首

以達字子順貴溪人嘉靖丙戌進士授刑部主事歷

郎中出爲福建僉事遷湖廣提學副使有午坡集四

卷

上清祝聖達孫默齋使君感贈因期同陳午江枉顧山

中

憶別無今日生還有歲年那期千里合相見一潸然往事秋
雲外幽懷落葉前何時與同好方駕枉林泉

林雲同

十首

雲同字汝雨莆田人嘉靖丙戌進士選庶吉士授編
修累官南工部尙書致仕起南刑部尙書未赴贈大
子少保謚端簡有讀書園集

遊玉澗和他石韻

出郭神應豁登臺氣益涼風回青入座澗曲碧流觴林鳥迎
風嘲池荷映日香碧筒猶屢勸待月恣徜徉

翁萬達

三首

萬達字仁夫揭陽人嘉靖丙戌進士授戶部主事歷
員外郎中出爲梧州知府歷廣西按察副使遷浙江
參政改廣西歷四川按察使陝西布政使以右副都
御史巡撫陝西進兵部侍郎總督宣大山西保定軍
務歷左都御史進兵部尙書以事降兵部侍郎兼右
僉都御史經略紫荆關尋斥爲民起兵部尙書未赴
卒贈太子少保隆慶中追謚襄毅有恩德堂集二卷

田按尙書以武功著不以詩名而橫槊之餘自饒豪氣

鳳城水漲

四月潮城溪水漲老鴉洲畔橋欲平娟娟鷗鳥踏浪喜短短
竹枝搖水清得風船舸相對發入暮蛟龍時一鳴北來客子
念歸久棹月臨流雙眼明

枳兒嶺

枳兒嶺上煙火微枳兒嶺下行人稀長風捲樹葉飛落道是
將軍射虎歸

送胡思岩

沙日茫茫塞草黃塞風獵獵暮天長手拈羽箭故人贈射殺
陰山雙白狼

李元陽

三首

元陽字仁甫大理太和人嘉靖丙戌進士除江陰知

縣徵授御史出爲荊州知府有中谿漫稿艷雪臺稿

田按仁甫爲楊門六子之一詩品在弘山愈光之次

晚步戴氏園亭

小檻橫山色幽居隔世氣檐垂雙澗瀑窗占五峯雲竹影風
前亂花叢月下分石鑄堪煮茗遲客坐爐薰

京都九日

兩度重陽蓬客裏蹉跎已覺賞心違此時孤館堪流淚何處
高臺可振衣黃菊向人徒自好青山待我不能歸茫茫塵海
空奔走欲傍沙鷗問息機

別金陵泛舟懷南臺諸子

秋月雁空度寒江舟自閒時時回首望何處是鍾山

崔廷槐

七首

廷槐字公桃平度州人嘉靖丙戌進士授戶部主事
歷郎中出爲四川僉事有樓溪先生集三十卷

田按樓溪詩清麗可誦

赤壁

嘉魚縣南石頭驛石上大書赤壁字龍涎蛟沫苔蘚封點波
猶帶風雲氣攀蘿直上青林顧千古封疆落眼前英雄戰壘
不可辨但見萋萋江草凝寒煙解衣沽酒楊花村老翁擎出
雙瓦盆揮杯且弄山間月弔古還招江上魂黃州逐客玉堂
仙水落山高載酒船片帆未挂臨皋岸兩賦空令百代傳

臨淄

山縣古臨淄城塵淨晚颺呼僮解寶劍邀客換金卮雲抱齊
王塚川回夏禹祠不堪風雨夜花落野棠枝

王喬洞

鳬鳴朝元去巖扉對日開雲封春藥碓花暗講經臺挂壁猿
猶至衝煙鶴未回何緣捐玉佩從爾訪天台

樓溪十景

錄二

吾愛轆轤灣清鑿鑑毛髮中有避世人臨流弄明月
吾愛樓子石秋水涓涓溜循級下三疊哀此雲和奏

潼江

潼川江水抱村斜兩岸青山似若耶一葉小舟雙蕩槳月明

擇入刺桐花

諸將

遼東傳渤海云老猿臂猶鸞兩石弓獨倚營門無箇事閒將
獵騎捕黃熊

田汝成

四首

汝成字叔禾錢塘人嘉靖丙戌進士授南刑部主事
厯員外遷禮部郎中出爲廣東提學僉事降滁州知
州遷貴州僉事進廣西參議有叔禾集十二卷

四庫總目汝成歸田後盤桓湖山搜剔名勝殊以風流
自賞其詩隊杖修整娟娟秀出然使逢大敵則未足
相當

國雅田學憲叔禾學古才贍網羅舊聞多所著述詩
古體出入騷選頗沈鬱豪縱如探珠合浦夜光迫人
往往眩目

靜志居謫詔叔不詩品在范蕡山江午坡間
田按叔不宦遊所至撰炎檄紀聞歸田後撰西湖遊覽志及志餘可謂好事詩格不甚高時有俊語

萬民望久寓宜興詩以招之

浪迹名山恣遠探白雲何處可停驂鶴迷煙冷張公洞花落春深玉女潭立酒未醞慚獨酌丹經初試擬同參爭如舊隱西湖曲五柳飄飄杜草菴

胡十八

新翻胡十八急調出西涼不入鶯絃細能隨鵝管長

憶張百戶一夔

不見西村張戶侯惜花憐月近誰傳南鄰酒伴應無恙日日溪邊放小舟

廣州竹枝詞

碧袖青衫白帕巾
波羅廟裏賽新春
聖童巫嫗村村會
疊鼓鳴鑼拜海神

樊鵬二首

鵬字少南信陽州人嘉靖丙戌進士累官陝西按察僉事有集

田拔少南大復弟子五言差勝

大悲閣作

宋太祖常駐驛在真定

寶閣開金地
雲梯上紫霄
君王留勝概
人代已三朝
晉水寒聲近
常山秋氣遙
如何憑檻處
還似翠華飄

東林寺

遠公不可見此寺乃東林客路登臨地浮雲世代心門幽山
霧集逕曲野花深夕坐焚香榻惟聞鐘磬音

聞人銓

一首

銓字邦正餘姚人嘉靖丙戌進士除寶應知縣擢山
西道御史厯湖廣按察副使有蘭芷集

楊棧嶺

楊棧接高天白雲山下看花落雨餘風吹寒食寒縱目黃
山外停驂紫漢間斜陽過廣惠始覺有人寰

范言

一首

言字孔嘉秀水人嘉靖丙戌進士除蒲圻知縣改保
定教授厯國子監丞遷大理府同知有善陽集四首

存稿

湖上

誰開湖上閑獨對晚來曠鶯語排花出潮聲帶雨分遙看鄰
牧散閒與海鷗羣自笑江干老悠然卧白雲

岑萬一首

萬字體一順德人嘉靖丙戌進士歷官河南布政使
有蒲谷集

秋江玩月歌

今夕此何夕弄月江上秋秋江水清淺上有黃蘆洲把酒問
明月清光今幾何如何今年景還比去年多波光月色兩相
射與君玩之發浩歌斟美酒百千巡鶴鵠解換玉樓春竹間

村犬吠衍衍山風颯颯吹殘雲漁笛一聲愁殺人

郭鳳儀一首

鳳儀字□□祥符人嘉靖丙戌進士累官按察副使送王後隅歸揚州用韻

維揚渺何許引睇暮雲東四月桐花老扁舟出楚中相思千里月歸興一帆風我亦懷鄉者因君寄桂叢

王宣一首

宣字敷言臨海人嘉靖丙戌進士官御史

日暮抵萬年寺

台山高不極日暮倦躋攀水向天邊落人從雲際還捫蘿轉絕壑坐石俯深灣檜竹禪房靜蓬僧意自閒

祝文冕

一首

文冕字□□德興人嘉靖丙戌進士

檀嶽峯

檀嶽高如許煙霞自往來桃花馬頭落莫認是天台

陳仲錄

一首

仲錄字子載武陵人嘉靖丙戌進士除新城知縣累

官山東按察副使有集

德山寺和項節推韻

招提十載溯前遊依舊青山枕碧流鉢裏龍眠雲自遠雨中
花落鳥空愁金仙勝界塵蹕絕玉帶高風過客留欲向山顛
分半隱題詩先上最高樓

谷繼宗

一首

繼宗字嗣興厯城人嘉靖丙戌進士官知縣

山左明詩鈔王季木齊音詩七子爲詩本四家太常筆底盛煙霞峯一柱誇難盡羣玉璘珣更滿車注云濟上之詩以邊庭實爲鼻祖若劉函山李于麟許殿卿谷少岱不可勝數濟南名士多從昔然矣

贖舊亭後有感

可憐一曲吟詩墅棄作三年賣酒家此日草堂歸舊主傷心
不見拒霜花

李學詩

一首

學詩字正夫平度州人嘉靖丙戌進士累官中允有

桃花洞集

聽菴

黯淡籬邊月，淒清竹裏風。草堂秋夜永，獨坐聽寒螢。

張鐸

一首

鐸字西林，壺關人。嘉靖丙戌進士，選庶吉士，改三原知縣，遷戶部主事，改兵部，厯員外郎。中出爲湖州知府，有西林集。

崇雲寺

萬壑中開小有天，人傳卓錫已千年。蒼煙一抹丹崖含靈石，雙泉樹杪懸貝葉。翻時龍護法，蒲團入定虎參禪。一區靜土真天設，社結青蘚共往還。

高遠

一首

遠字近思，上元人。嘉靖戊子舉人，官汝州知州。有飲

虹稿

金陵瑣事羽伯陳公評青溪社中四子詩云高汝州
近思雄壯奇拔馬國學承道博雅典則金文學子坤
清新秀朗金孝廉子有則兼總諸長詞義雙美夫金
氏昆玉倘有詩集若高馬二公人且不知姓名也况
於詩乎

弘濟寺

捫葛入從石壁行入門坐久聽鐘聲江豚吹浪出還沒野鷺
得魚棲復驚孤嶺半遮春樹密亂帆斜挂夕陽明眼前似此
流光美不用登臨感慨生

于玭 一首

玭字子珍東阿人嘉靖戊子舉人官平涼同知有子
氏詩畧

戊鵠卷十六

海嶽靈秀集冊川詩爽儼近工部

滄州

九月一日渤海郡涼風落葉何紛紛孤舟伏枕逢秋色長路
停棹對暮雲荒草亂迷襄遂廟清川曲抱獻王墳古今蹤迹
堪惆悵獨向滄波弔夕曛

孫宣

五首

宜字仲可華容人嘉靖戊子舉人有洞庭漁人集五

十卷

藝苑卮言國朝學杜者華容孫宜得杜肉

國雅孫漁人斯齊奇譎河濱隱淪之夏秀者句云嘯

襄驚山鬼談中有名禡角應江聲起雲兼海氣浮其

品當在李唐二孟之間列朝詩集仲可爲兒時得侍何仲默長而頌慕其風流上春官不第肆力詞賦以不朽自命自稱洞庭魚

人與漢人張舍秦人左國璣吳人黃省曾皆以老舉
子有名於時仲可詩多至三千八百餘首王元美評
詩云華容孫宜得杜內余觀其詩剽擬字句了無意
味求杜之片鱗半爪不可得而况其肉乎

靜志居詩話洞庭漁人詩滔滔莽莽下筆不休亦楚
產之傑出者

苦雨走筆簡王生

城東草堂白晝開洞庭主人騎馬來昨當驟雨暗江縣疾風
迅雷中夜迴堂前淤泥一尺深欲往問子偕醉吟蓑衣濕盡
屐齒折縱有美酒同誰斟黑雲漸破雨漸微青山映湖鷗出
飛花風宕煙晝漠漠竹日澹影晴暉暉我方卧病江城頭君
也磊落還舊傳卽須度竹穿花去爲買高歌伴醉遊

閒居

苦憶南湖子平生野興高水傳滄海興山有白雲謠酒伴時

相過綸竿日自操深居憐寂寥飛夢故蕭蕭

亭上對雨

對雨高亭暮焚香獨院秋水陰依檻合雲氣隔城浮蘿竹占
寒意漁樵送野謳葛巾欹側久隨地卽林邱

江漲二首

五月六月雨不歇章華城邊江水來排山觸石須臾事未道
瞿塘灔澦堆

洞庭南望接江鄉九派波流日渺茫更遣岷嶓連楚鄂卽疑
巴蜀是瀟湘

顧聞一首

聞字行之吳人嘉靖戊子舉人

岳岱今雨瑞華九嶺山人才華玲瓏鋪敘豐長究其所歸靡不有自至於染翰人稱並美

清明日過楊村

楊柳蔽楊村桃花古渡昏清明猶作客白日正銷魂天地催時序
闌河杖酒尊何爲千里夢一夜落吳門

鄧遷一首

遷字世喬閩人嘉靖戊子舉人官嘉興通判有別駕集

夜白紝歌

明月滿庭涼夜時桂宮歌舞爲君施纖腰嫋嫋聲遲遲金蓮照耀光陸離瓠犀螢首青蛾眉銅竈玉漏夜何其酌酒勸君君莫疑人生樂在心相知

貴陽陳田輯

戊籤

羅洪先十一首

洪先字達夫吉水人嘉靖己丑第一人及第授修撰
進左春坊贊善疏請朝東宮忤旨罷爲民隆慶初贈
光祿少卿謚文恭有念菴集二十二卷

司勲集羅子習於道論卒爲詩病
胡直衡廬精舍藏藁念菴先生學凡三變而文亦因之少學文倣李空同棄之曰是未見端委者旣入官寮又與唐荆川趙浚谷相講磨大放於文久之語直曰吾無意爲之矣移答友人取譬於水曰古之人有能之者必其中有自得實見斯道之流行無所不在雖欲不爲波濤湍瀾之類不可得也

戊籤卷十七

一

列朝詩集達夫詩文託寄可觀時人謂其早經廢棄久處民間往往深於致情易於興感殆亦近於言志者也
靜志居詩話達夫遠師擊壤近彷白沙定山然爽氣尚存未墮塵霧
田接達夫五言詩具有體格擅清遠之致惟語參講學時入擊壤一派

重至仙居寺

山雨鳴鐘餘阡陌斷行迹高刹隱回岡流潦汎春澤新構門
更重臨歲月積訪禪草翳徑縹經塵在席僧齋餘舊突梵
相懸頽壁乍見驚夢寤沈思悔形役逝者今若何躊躇增太
息

種蔬

謀生無遠術樹藝有良時嘉蔬來何遙故人手致之荷鋤出

荆扉荒榛力所披景翳苗易耨土薄根不滋惡壤與敗株龍
令蕃者衰競茲分陰功日暮未辭疲所欣寡逢迎燃薪繼頽
曠點點開谷陰柔芳亦離離抱甕理晨夕療饑方在茲

種菊

結宇灌木下庭除幽自閑豈無豐草容柔綠爭春妍常恐秋
風至清霜凋故顏萬族忻時榮保終良獨難惟此黃金花可
以結餘歡

懷友

獻策動京華還山種桂花從知卧金馬不及練丹砂五月蘆
教杖三秋博望槎伊人竟何在歲歲望蒹葭

寄楊寶卿

燕歌別易水，
獨道隔湘雲。
江柳年年綠，
攀條獨憶君。
覬窺渺何在，
來雁不堪聞。
莫就成都卜，
玄經自有文。

贈高洲劉述文

高洲似赤城，繞屋種黃精。
溪水桃花色，煙林布穀聲。
記年從漢魏，混世狎公卿。
莫學劉郎隱，尋山更得名。

將入衡山貽李文興

分袂懷蘭畹，飛帆倚桂舟。
白雲何處所，綠樹是南洲。
古獄連雲起，清湘抱月流。
鳳笙如可望，伫爾太清遊。

劉生

劉生多意氣，執別成華深。
一翫不肯渡，四愁空自吟。
春江斜檻外，暮雨對峯陰。
古調人多棄，泠泠鳴素琴。

同江

同江二月如潑醅春水自上鵝洲來一雙白鳥掠波去無數
好山當面開漁樵苦說生事薄笳鼓時聞驛使催何日昇平
乘櫓散扁舟應傍釣魚臺

駕幸太學陪祀孔廟

萬乘出銅龍千官扈蹕同金根下星漢翠葆麗春空幄殿張
皇邸庭趨奠澤宮詩因入佾變是年去王號稱先師始用六佾祀豈一半豐
法駕橋門轉周廩陛楯通垂衣臨六館委佩引輦工見聖情
衿合橫經黼座東嘉賓來聖裔憲老憶申公繡纂臣談業則
遜帝典隆辟雖遲獻頌紀事序王風

南旺湖

百年風景茲奇絕到處江湖郤久詩驥背不歸秋易老黃花
也解笑人癡

程文德三首

文德字舜敷永康人嘉靖己丑第一人及第授編修
以事下詔獄謫信宜典史量移安福知縣遷兵部員
外郎中擢廣東提學副使未赴改祭酒拜禮部侍
郎改吏部再改南工部以言事除名萬曆初追贈禮
部尚書諡文恭有遺稿三十二卷

芳桂

因君芳桂鴻懷予雙桂望秋風賦招隱清夢到江鄉

題畫

雲深地僻草堂閑
門巷經旬長綠苔
何處故人驚午夢
溪橋拄杖帶琴來

宿天遊巷

天遊忽上憑虛閣
洞宿仍分絕頂雲
夜靜千峯涼月白
吹笙疑是武夷君

胡松

四首

松字汝茂滁州人嘉靖己丑進士除東平知州遷南
禮部主事厯郎中出爲湖廣參議進山西提學副使
就遷參政以事斥爲民起陝西參政厯浙江按察使
進布政使以右副都御史巡撫江西進兵部侍郎改
吏部遷南兵部尙書徵拜吏部尙書贈太子少保謚

恭肅集八卷

同戚南玄渡江游宿長干諸山寺

桂館秋逾淨荆扉晝不開雨花飄法界淪茗坐清齋閣外江光動檐前樹影來禪心與鷗鳥終日共徘徊

桃川次韻

神仙丹洞古樓觀白雲深野鶴盤空下江猿擁樹吟地偏稀
外事坐久慙幽心芟服終當製行歌復弄琴

山居雜興

隱几花千樹看山石四鄰翛然無一事疑是葛天民

旋途雜詠

花開煙嶼香風轉籠映江波錦浪生仙客船頭吹玉笛不知

何處是瑤京

蔡雲程一首

雲程字亨之臨海人嘉靖己丑進士授兵部主事累
官刑部尙書贈太子少保有鶴田草堂集十卷

再遊雞鳴寺

城隱空中閣林開象外天松門芳草接石磴碧蘿懸花雨滋
嵐翠香雲覆澗泉逕僧竹房裡處處裊茶煙

楊博一首

博字惟約蒲州人嘉靖己丑進士除塾厔知縣改長
安徵授兵部主事厯員外郎中出爲山東提學副使
超拜右僉都御史巡撫甘肅進右副都御史召拜兵

部侍郎經略薊州保定遷總督薊遼保定軍務歷右都御史遼兵部尚書加太子少保改總督宣大山西軍務加太子太保改薊遼總督召還加少保改吏部尚書進少傅兼太子太傅少師兼太子太師贈太傅

謚襄毅有詩文集十二卷

因按襄毅敬歷九邊屹爲重鎮身繫安危者三十年其送君鑾行邊詩云何似篤邊相全收出將功九霄雙赤馬萬里一彤弓搏抱可想見也

送雷侍御出按甘肅

繡斧西巡日河闢碧樹齊九重勤一使萬里慰羣黎回紇識驄馬番戎謝鼓鼙還知登望處威振玉門西

鄭大同

一首

大同字皆吾莆田人嘉靖己丑進士授行人遷吏科
給事中厯都給事中進南京通政就遷太僕卿厯太
常大理卿擢刑部侍郎贈尚書有居俟堂集

遊岳山

九天連溟渤金山遠勢蹲孤根出鼈窟一柱控龍門石露秋
逝痕江平浪欲吞蓬萊吾已得應不數崑崙

鄭綱一首

綱字子尙大同弟嘉靖己丑進士累官兵部侍郎總
督兩廣

東南曠外詩話鄭葵山與兄于野同成嘉靖己丑進士同登鄉貳有黃田驛句云春山入戶飛嵐輕古樹

當門白晝昏

可入畫稿

秋懷

霜前疏柳蕭蕭落水上寒雲滄滄浮莫怪登樓賦懷土秋風
偏感仲宣愁

林恕四首

恕字道近福州長樂人嘉靖己丑進士除知縣遷都察院經歷出爲雷州知府累遷雲南按察使有

西橋集

靜志居詩話西橋近詩依然林子羽王安中流派

滇南春暮寫懷

臺暑春已歸風雨連朝夕庭幽花影沈砌冷苔痕溼愁人思
轉深啼鳥聲偏寂悵望倚危欄簾捲湖山碧

過偏橋驛

牂牁戍壁鎖重鑠
疊嶂凌空擁翠鬟
萬里風塵連越雋
九溪煙火接荆蠻
星橋日落笳聲急
雲遲春深草色斑
聞道龍標圖未解
何人橫劍倚天山

夜泊揚州

廣陵城外水雲幽
萬里歸程一葉舟
山勢北來衝海斷潮聲
東去入河流
瓊花觀裏春光去
楊柳塘邊野色秋
休聽秦淮商女曲
阿儂亡國是迷樓

遊崇信寺

巢雲方丈鎖潺湲
流水柴門永日關
萬壑煙光秋雨後
一庭草色夕陽間
香殘石鼎僧初定
簾捲巖扉鶴未還
暫息雙林

了眞諦倚闌邀月獨看山

楊祐
一首

祐字汝承錢塘人嘉靖己丑進士選庶吉士改刑部員外出爲曹州知府進江西僉事改湖廣有丹泉集

萬厯錢塘志汝承詩清俊能爲顏鮑家言
靜志居詩話汝承諸體濂濂拔俗

郡齋自遣

丹泉野人木石姿服官三十髮成絲逢人離離苦不遙閑世喧卑陋自疑磽田猶足飯黃犧空谷能忘歌紫芝攬衣拔劍忽自笑浮雲四顧茫何之

吳子孝
十首

子孝字純叔長洲人嘉靖己丑進士選庶吉士改台

州推官遷廣平通判徵授南吏部主事改禮部遷光

祿丞出爲湖廣參議有玉涵堂稿十卷

司勳集純叔玉涵堂詩綴詞婉以麗御氣雄以健抒思優以儕援事典以則振響和以平才情信美興寄尤深如汝官樟水北今得定州書工於發端塞空一
雁去離思繞山河逸於終奏又雲來山閣風雨過石
池秋大隱非人外微言乃道初月映蒼松逕雲生白
石臺玉虛香火清齋地紫禁煙花悵望時獨有馮唐
頭已白青袍那署自年年並若神構足稱警策

靜志居詩話純叔藉甚詩名特格未高聲

田按純叔詩諦清新亦嘉靖中詞人之雋

韓陵行送人之上黨

春生具區水雲暗洮湖樹曉潮催兩槳君向韓陵去鄴下山
川天下雄文章況有黃初風翩雞晨出邯城北射獵霄霞澹
水東君結豪英持一劍走馬韓陵如躡電賦詩應上三臺宮

弔古須傷九華殿近聞惡歲土苗稀黃河不東民苦飢杞國懷憂竟何益念君此去何時歸

送沈潤卿還南陽

江南暑雨晝不開海霧上繙姑蘇臺臺前別有故人去驚濤
疊浪爭喧逐君辭南陽雪初折吳門柳歲月來幾何長帆仍
北首鄧尉山頭多桂枝虎邱石上攬瓊芝故園十載松楸淚
楚國千年桃李辭榮爛華裾曳來久賜璧頒金陳醴酒枕內
曾書鴻寶方座中誰在相如石枚生老去戀梁王清水豐雲
道路長千里月明堪悵望洞庭霜橘待誰嘗

金山

明月妙高臺盤渦月照開琳宮龍久駐珠樹鶴曾來雲霧空

中靡帆檣檻外迴無言卷石小江左擬蓬萊

送僧之杭

餅鉢今何適飄然向武林江風吹衲影山月照禪心巢鵠形
容古祐蛇道術深欲知無上義南北兩高岑

橋溪僧院

蟬聲不出寺鐘斷祇聞香流水迷松徑間雲滿石牀無言忘
寂寞宴坐得清涼欲謝人間事冥心叩藥王

祇命拜陵出得勝門作

乍辭蓬閣下彤雲風煖郊原草正薰十里垂楊春澹岩七陵
佳氣曉氤氳馬依葦路橋山側鷺和鶴簫曲水漱回首故園
誰麥飯不堪愁絕倚斜曛

送人使楚

長安七月雨不休愛子持節凌清秋水衡賓少南方賦傳吏
須迎使者舟廬岳雲霞迴席見洞庭波浪接天浮誰能詞筆
誇三楚遙憶仙人黃鶴樓

題天池

竹疏漏雲色泉細落風霏日暮不歸去山風吹客衣

慈仁寺

寺前老柏不知歲閣上風鈴欲語人一撟秋慾槐影底從教
門外深紅塵

贈朱子羽之鉛山令

下馬愁腸劇轆轤王喬今日去雙兒木蓮花發江南暮君過

靈山相念無

楊本仁

八首

本仁字次山杞人嘉靖己丑進士授工部主事改刑

部厯郎中出爲江西按察副使厯湖廣參政遷廣西

按察使有少室山人集二十五卷

田按少室山人詩不盡入格時有佳篇如披襟探蘭
香韻獨絕

上元督府宴集

萬里逢元夕軍門春獨私江山俱是客燈火白深卮世局應
難定鄉心不易持蒼梧今夜月流影釁鬢眉

雨懷

愁絕經旬雨冷然池館清把杯春草色燒燭暮江聲雲裏天

池寺湖邊溢浦城悠悠坐相繫清嘯不勝情

柏林寺灣

孤棧凌空雪後行半山古寺晚鐘清人從碧落窺丹壑僧在白雲弄紫笙翠柏不凋前代色哀猿偏作異鄉聲迴風落日江流急匹馬千崖四望情

巴人竹枝歌二首

院裏迎春郎手栽花時郎繞百千迴從郎去後春無主縱有風吹花不開

江上帆檣亂不齊煙波望望妾心迷何如化作江中水郎若東時儂不西

上元命候吏折梅花

鄉江小吏誰家村折得梅花枝半存卻怪先生綠底事上元時節不聞尊

四一亭對雨

逃暑何緣聊水坐花眠竹困晚俱醒隔雲遙揖匡南老爲展
捲天九疊屏

爲雪解嘲

春事江南異江北年年雪裏放桃花玉妃解識東皇意細翦
六英點絳霞

沈愷四首

愷字舜臣松江華亭人嘉靖己丑進士授刑部主事
厯員外郎中出爲甯波知府量移臨江厯湖廣按察

副使進參政乞歸隆慶初起太僕卿不赴有環溪集

二十六卷

田按環溪論詩板依何李五言亦爽脫有致

暮冬寓山寺

冰霜驚歲晚寥落詎堪論宦興懶於鶴冥修未到僧風塵窟
歲月城郭宛江村忽憶環溪上寒梅幾處存

歸思雜言

幾年羈宦輒一疏乞嚴居聖世容疏懶冥心只晏如閒調吳
苑鵠不食武昌魚長日應無事蕭然讀素書

作吏二千石歸來無酒錢苦心成白首岸幘向青天止飲憐
彭澤清遊憶蘄川塵心銷落盡吾意欲逃禪

憶任城

春風一渡魯陽水夜月三更太白樓安得四明狂客在金龜換酒散春愁

崔涯

一首

涯榜姓字若濟甯國太平人嘉靖己丑進士官監察御史以劾汪鋐罷官有筆山集十卷

和縣尹韻

移樽就溪石坐上東山月老眼醉模糊天空水雲白

陳子文

一首

子文字在中閩人嘉靖己丑進士除麻城知縣徵授戶部主事厯員外郎中出爲長沙知府改池州累遷

湖廣按察副使有于山堂稿

送李主簿

相逢十年隔相送復天涯來折官河柳行看岳縣花千村連
海岫萬井帶桑麻異域今多事殷勤問左車

陳節之二首

節之字尹和閩人嘉靖己丑進士選庶吉士授編修

遷春坊中允

早朝

太平天子御飛龍待漏趨蹻拜九重花落玉階仙露溼柳垂
金鎖御煙濃螭坳漸集千官珮噲色微催太液鐘幸際明時
慙補報願陳三祝効華封

胡經

一首

經字

廬陵人嘉靖己丑進士累官太常少卿

遊鐵佛寺

夙愛南郊禪寺靜孤吟落日戶長扃春來好鳥答人語老去
枯僧如鶴形雨漲溪光連霧白雲闊山色過江青紛紛桃杏
爭開落春氣曠人尚未醒

馮彬

一首

彬字用光海康人嘉靖己丑進士官松江知府

採蓮曲

越江採蓮女綠袂紅裙照江水桂楫蘭橈破曉煙歌聲宛轉
荷花裏儂家住在橫塘隈日出採蓮日暮歸只恐霜落荷衣

敗看見鴛鴦對對飛

趙鯢一首

鯷字字南壽張人嘉靖己丑進士累官貴州按察使

有九嶺集

龍王關送家人歸

湖水北來曉色昏
湖邊春草怨
王孫微微樹影遮
山閣脈脈泉流澈
竹根羸馬衝泥尋
浦路孤舟拖雨過
江村臨淮欲灑思
鄉淚一夜隨潮過
魯門

周顯宗一首

顯宗字子孝漢州人嘉靖己丑進士除秀水知縣歷
官漢中知府有桃村山人自適稿

真州工部分公司

隱隱高城月冥冥晚市煙歸來人競渡棹入蓼花天

蔡琰

一首

琰字天章甯晉人嘉靖己丑進士除行人擢浙江道
御史坐劾汪鋐廷杖爲民彝以原官起用再謫山東
按察知事隆慶初復職致仕有汝濱集十卷

送李樂菴赴池州司訓

依依楊柳暫停驂別酒何辭盡日酣此後相思成遠夢空隨

明月到江南

張選

一首

選字舜舉無錫人嘉靖己丑進士除蕭山知縣擢戶

陝西布政使司同知

齒

科給事中以諫帝不親祀太廟受杖削籍隆慶初復
官進通政司參議有靜思遺集八卷

僧房

幽枝一聲鳥春滿萬家村落葉蒼苔厚山僧只閉門

王表

一首

表字邦正無錫人嘉靖己丑進士選庶吉士改戶部
主事再改南禮部厯員外郎中有代奕稿消夏編

題雲山圖

長空湛秋碧境與心俱閒我屋東山下白雲時往還

程烈

一首

烈字惟光歙人嘉靖己丑進士官工部主事有水部

集

越中送楊次山

楊子洛陽才東風征騎催鄉心杜曲里官舍濟城隈客路驚
千樹離亭酒一杯相思更相望擬上越王臺

史元中

一首

元中號鹿泉鄞人嘉靖辛卯舉人除靖江教諭遷魚
臺知縣有青蓮集三十卷

農舍

布穀聲新春已分一犁好雨綠楊村年來底事催租吏未到
秋成夜打門

林垠

二首

垠字天宇閩人嘉靖辛卯舉人除桂陽知州遷撫州
同知入爲戶部員外郎有世牧堂稿

登河北城樓

古戍烽煙息孤城對水開山從三晉出川向五原回遠樹依
秦堞殘雲沒漢臺昔人遺恨在臨眺有餘哀

沙河行宮

宮殿連雲起城樓入漢低寒鴉如望幸朝夕自悲啼

唐鍼一首

鍼字君錫蘭溪人嘉靖辛卯舉人除溧陽知縣遷揚
州同知改楚府長史

九日山亭

淮南秋老菊初叢
住日登高上客同
雲岫盡含三楚色
石林遙撼九江風
池陽虎渡飛鴻外
姑孰龍山落照中
烏帽黃花兩羞澀
愁邊短鬢已如蓬

黃中一首

中初名忠字文卿遂昌人嘉靖辛卯舉人除鉛山知縣行取授貴州道御史出爲山東按察副使有南窓紀寐集吹劍集

田接副使詩意取輕脫間傷粗率

過朱陽仲墓

江關詞賦舊凌雲
何事深山早築墳
天上豈真無李賀
人今猶自說劉蕡
西風歸鶴空留恨
落日啼猿不可聞
三十年前

交誼在獨來披草薦溪頭

強仕三首

仕字甫登無錫人嘉靖辛卯舉人授江西廣昌知縣
遷德州知州有考槃譜歌綺巒集

盛明百家詩甫登夙嗜詩學嘗結會碧山吟社

陸龜蒙

澤國多陰澗天隨更孤峭甫里三畝居山水足幽討揮翰水
蘭堂太守驚絕倒拜賜散人銜丞寄羲皇倣

秋晚山行小酌吟社

歸休無復事日與野情宜爲愛秋原淨言尋山館期散行塵
外屐疏響竹間棋一遣沈冥理詩成懶重題

憶河豚

春城燈事動河豚首登俎身遠閩閭城夢繞西施乳

劉成穆

三首

成穆字玄倩崇慶州人嘉靖辛卯舉人有劉玄倩集

玉笥詩談玄倩生七歲能詩文十歲博識十五究經史百家談玄理談兵談世務珠貫川絡以春秋舉鄉

試第三試春官不第發憤卒玄倩於詩文初不經意卽席揮頸有甚佳者

田按元倩才藻是李長吉一輩人惜不永年遺集今亦不傳故所錄止此

過漢武陵

歲暮霜殘過漢都武皇陵墓舊荒蕪不將玉匣藏天馬猶使金燈照野狐賦客詞圍清露盡仙翁丹竈白雲孤千年惟有秋風曲渭水長流啼野鳥

玉笥詩談元倩過漢武陵詩升菴楊先生甚愛之

過千佛巖和繁華廉訪韻

丹壁蒼巖青鐵檻巖頭古溜苔蘚生千年刻畫魚龍擁白日
陰冥麋鹿行金草細搖蘿磴冷玉魚橫過石梁清臨流拊樹
堪心折野寺黃碑月二更

溫泉宮

碧洞霜清卧火龍翠華宮冷玉芙蓉遊人綠酒流春殿妃子
霓裳化曉風石闕獨逢明月醉瑤壇虛有曉霞封羽衣不見
梨園曲愁聽秦箏雜野蛩

許炯

八首

炯字彥韜新會人嘉靖辛卯舉人有吾野漫筆十三

卷

田按彥韜自謂少時不慧從羣兒騎竹馬黏蜻蜓鳥雀爲戲未幾病痞忽劇夢一父老出袖中書授之俄

墮而覺自是遂能把筆作詩頗近於怪吾野集中詩

率意一往真漫筆也披沙揀金時有合作亦自警拔

厓山大忠祠

古祠牢落對行宮朝市荒涼夕照中玉璽久歸滄海去銅駢
空見碧苔封已無抔土藏遺劍猶有餘民泣墮弓一曲雍門
歌不盡滿山松柏起悲風

螺川望文丞相墳

六歌聲斷市朝空紫蓋黃旛散朔風厓海有心同捧日燕臺
無路可從龍蒼梧處處愁雲黑杜宇年年怨血紅江上孤墳
勞望眼古碑芳草夕陽中

春日燕集同何巢樵作

佳客芳時不易逢
江南三月雨濛濛
酒當半醉半醒處
春在輕寒輕煖中
柳絮亂飄歌扇白
海棠如焰舞衣紅
晚來更按揚州調
聲繞吳姬翠袖風

舟中書所見

黃葉隱溪橋
歸雲擁高樹
爲問蕩舟人
蒼煙是何處

雲巢

幽人卧邱壑相伴惟孤鶴夜半山風來時聞松子落

三月晦日

東風無力近黃昏
花事蕭條半委塵
開到海棠還細雨
飛來江燕已殘春

贈彈箏者

飛花無定水東流繡幙春寒未上鉤十四絃中新舊恨一時
彈作兩眉愁

秋江晚眺

萬里滄江帶白沙漁舟風起釣絲斜水邊秋色無人管半屬
蘆花半蓼花

黃笛曲

四首

省曾字勉之吳人嘉靖辛卯舉人有五岳山人集三
十八卷

司勳集勉之苞蓄既富探汲不竭譬之黃雜細而綠
彩炫日金石疊奏而共韶盈耳思劇沈幽語罕仍襲
凡象外難摹之景必鏽以新範雖目前塵瑣之態亦
緣以華解

詩談勉之詩宗六朝如空江月明獨鶴夜警
藝苑卮言黃勉之如假山池雖爾華整大費人力
靡倦翦綺綺徧咀嚼瑛每篇輟筆粲然蘭目操觚
國琛集季父天藻獨富學海深其詩攬景輒取摹
事必得時有神詣使人意消
列朝詩集勉之六齡好細素古文解通爾雅弱冠與
其兄魯曾散金購書覃精藝苑累舉不第交游益廣
振王新建講道於越參預講堂作會稽間道錄湛元明
以詩鐸成績就於河朔又學於元明名王湛兩家之學李獻吉
兄賢之文學六醫京口勉之北面稱弟子再拜奉書而受學
按畫與錄之末寫人與地朝好諱之故經好諱之故經
雖模倣之未嘗忘製也
世所造獻地朝好諱之故經好諱之故經好諱之故經
不飾事出前人與之未嘗忘製也
如虞書老子玉器諸書皆未行於世
強如春蕙顯爲言志洒夏標之嗟歎本於情
之貞也
先露故實雖富根荄愈衰師如意態各暢無
已拙至其所作正坐斯蔽所謂歎他人亦學

麗娟曲

佳人年十四吹氣勝蘭香一曲庭花落餘音繞杏梁龍綃纏
紫袂錦帳掩明粧若非琥珀珮焉得動君王

黃家集夜思

窮冤大河陰宵舟轉曲溝星驂如客影波箭學歸心夢積俱
緣想愁來若解尋鄉園明月滿應待緯瑤琴

遊清涼山

告別歡新陟涼臺得煥華殿縣秋靄樹江吐夕陽山法食供
遊饌林杯悅旅顏無勞支遁馬碧草步人還

虎邱詠

芙蓉近倚閩閭城眺閣觴樓逐勢成珠寺翻爲歌舞地青山

盡是綺羅情巖花吐學紅粧麗谷鳥嚦兼鳳管聲十里垂楊
芳草岸四時常映彩舟行